

Class 10 Social Science
Lesson - 8 **Bodo Medium**
बहुमनि भुमखौरां

थामथि खोन्दी

बांसायख' सोंथिनि फिननाय

गेर्बे फिननायखौ सायख':

सों 1. बहुमनि गासै हानि अरथाया जाबाय-

- (a) 520 निजुत बर्ग कि.मि.
- (b) 510 निजुत बर्ग कि.मि.
- (c) 420 निजुत बर्ग कि.मि.
- (d) 500 निजुत बर्ग कि.मि.

फिन : (a) 510 निजुट बर्ग कि.मि.।

सों 2. 2015 मायथाइनि खारिथि बादियै बहुमनि गासै सुबुं अनजिमाया जाबाय-

- (a) 730 कौटि।

(b) 130 कौटि।

(c) 510 कौटि।

(d) 430 कौटि।

फिन : (a) 730 कौटि।

सों 3. हा-मण्डलनि गिबि बाहागोआ दाजानाय हादोरमा फोरा जाबाय—

(a) सा आमेरिका आरो खोला आमेरिका।

(b) अष्ट्रेलिया आरो असेनिया।

(c) एसिया, आमेरिका आरो खोला आमेरिका।

(d) एन्टार्कटिका।

फिन : (c) एसिया, इउर'प आरो आफ्रिका।

सों 4. बुहुमनि गासै सुबुं अनजिमानि सा दुलुरखावाव थानाय बाहागोया जाबाय—

(a) अजायै 67 जौखोन्दो।

(b) अजायै 57 जौखोन्दो।

(c) अजायै 33 जौखोन्दो।

(d) अजायै 51 जौखोन्दो।

फिन : (b) अजायै 57 जौखोन्दो।

सों 5. बुहुमनि बयनिखुइबो देरसिन लैथोमाया जाबाय–

(a) सा लैथोमा।

(b) आटलान्टिक लैथोमा।

(c) भारत लैथोमा।

(d) प्रशान्त लैथोमा।

फिन : (d) प्रशान्त लैथोमा।

सों 6. आटलान्टिक लैथोमानि दाथाया जाबाय–

(a) इंराजी 'T' हांखो।

(b) इंराजी 'S' हांखो।

(c) इंराजी 'B' हांखो।

(d) गोजौनि मोनसेबो नडा।

फिन : (b) इंराजी 'S' हांखो।

सों 7. बुहुमनि गोथौसिन दंग 'मेभिना एबा सेलेन्जार' दंग 'वा दं.–

(a) आटलान्टिक लैथोमानि थालायाव।

(b) प्रशान्त लैथोमानि थालायाव।

(c) भार लैथोमानि थालायाव।

(d) सा लैथोमानि थालायाव।

फिन: (b) प्रशान्त लैथोमानि थालायाव।

सों 8. आटलान्टिक लैथोमानि गड़ गोथौवा जाबाय–

(a) 3000 मिटारफ्राम।

(b) 4000 मिटारफ्राम।

(c) 2000 मिटारफ्राम।

(d) 2500 मिटारफ्राम।

फिन : (a) 3000 मिटारफ्राम।

सों 9. प्रशान्त लैथोमानि मोनसे लैथोआरि दीपआ जाबाय–

(a) आइसलेण्ड।

(b) निज फाउण्डलेण्ड।

(c) फक्कलेण्ड।

(d) जापान।

फिन : (d) जापान।

सों 10. इउरप आरो आफ्रिका हादोरमानि सिमाखौ थि खालामनाय
लैथोआ जाबाय–

(a) भुमध्य लैथो।

(b) ल'हित लैथो।

(c) कास्पियान लैथो।

(d) आरब लैथो।

फिन : (a) भुमध्य लैथो।

सों 11. अराय सोमखोर अरनबारिखौ मोनो–

(a) बालाहामा ओनसोलाव।

(b) मेरु ओनसोलाव।

(c) बिषुबारि ओनसोलाव।

(d) क्रानतिसायारि ओनसोलाव।

फिन : (c) बिषुबारि ओनसोलाव।

सों 12. एसियानि मादाव थर बालाहामाया दं—

(a) आरब हादोराव।

(b) भारत हादोराव।

(c) अष्ट्रेलिया हादोराव।

(d) लिबिया हादोराव।

फिन : (b) भारत हादोराव।

सों 13. इउरप हादोरमाखौ मोनथाम थिंजायनिफ्राय बेंखनना दं—

(a) बालाहामाया।

(b) हाजोमालारिया।

(c) बिलोमाया।

(d) लैथो लैथोमाया।

फिन : (d) लैथो लैथोमाया।

सों 14. आल्पस हाजोनि जौसिन थिखिनिया जाबाय—

(a) माउन्ट एलब्रास।

(b) किलिमानजार।

(c) माउन्ट ब्लेक।

(d) गडउइन अस्टिन।

फिन : (c) माउन्ट ब्लेक।

सों 15. बिषुब हांखोआ खावनै बाहागोआव बोखावदों-

(a) एसिया हादोरमाखौ।

(b) आफ्रिका हादोरमाखौ।

(c) इउरप हादोरमाखौ।

(d) असेनिया हादोरमाखौ।

फिन : (b) आफ्रिका हादोरमाखौ।

सों 16. लैथो बिखूनिखुइ गाहायसिनाव थानाय जायगाया जाबाय-

(a) मेकिनले।

(b) कालाहारि।

(c) डेथ भेलि।

(d) कल 'राड।

फिन : (c) डेथ भेलि।

सों 17. आमेरिका जथाय हादोरनि राजथावनिया जादों-

(a) बाखिंटन डि.चि।

(b) किंष्टन।

(c) पार्ट-आव-प्रिन्स।

(d) सेन ज'स।

फिन (a) बाखिंटन डि चि ।

सों 18. 2015 मायथाइनि खारिथिबादिब्ला भारतबर्षनि गासै सुबुंअनजिमाया।

(a) 137 कौटि।

(b) 121 कौटि।

(c) 131 कौटि।

(d) 102 कौटि।

फिन। (c) 131 कौटि।

फरा आयदानि सोंनायनि फिननाय

सों 1. बहुमनि हामण्डल आरो दैमण्डलनि सोमोन्दै सुंद यै लिए।

फिन : हा बाहागोनि लैथो-लैथोमाखौ लाफानाने दैमा दैसा, बिलोमा बायदिसिनानि दैजों बुंफबना थानाय गुवार बाहागोखौनो दै मण्डल बुंनाय जायो। फारसेथिं लैथो बिखंनि एसे गोजौवाव हाजो बुंफबना थानाय हा बिखंनि गुबुन मोनसे गुवार बाहागोखौ हा मण्डल बुंनाय जायो। दै मण्डल आरो हा-मण्डल मोननै बाहागोआ मोनसेया गुबुन मोनसेजों बोखावनानै गेजेर गेजेर हाबनानै दं । नाथाय कास्पियान, मरु (बालाहामा) आरो आरल लैथोखौ नागास्नानै बहुमनि गासै लैथो-लैथोमाया मोनसेया मोनसेजों नांजाबलायनाने दं। नाथाय हा मण्डला दैजों सोरगिदिं साग्लोबना थानानै मोनब्रै गेदेर बाहागोआव गावसाना दं।

हा मण्डलनि गिबि बाहागोया एसिया, इउरप आरो आफ्रिका हादरमाजों दाजानाय। नैथि बाहागोआ सा आमेरिका आरो खोला आमेरिका हादरमाजों दाजानाय। थामथि बाहोगोआ अष्ट्रेलिया आरो माखासे दिप लोगो नांना सोमजिनाय असेनिया हादोरमाजों दाजानाय आरो ब्रैथि बाहागोआ एन्टार्कटिका हादोरमाजों दाजानाय।

हादरमाफोरनि सोरगिदिं बेखनना थानाय बहुमनि मोनबा लैथोमानि प्रसात लैथोमाया एसिया हादोरमा आरो सा ।आमेरिका आरो खोला आमेरिका हादोरमानि गेजेराव दं। आटलान्टिक लैथोमानि सा आमेरिका आरो खोला आमेरिका हादरमा आरो इउरप आरो आफ्रिका हादोरमानि गेजेराव दं। भारत लैथोमाया एसिया हादोरमानि खोलाथिंजाय आफ्रिका हादोरमानि सानजा आरो असेनिया हादरमानि सोनाबाव दं। सा लैथोमाया सा आमेरिका, इउरप आरो

एसिया हादरमानि खोलाथिं दं। दै मण्डलनि गोबां बाहागोआनो खोला
दुलुरखावाव दं। हा बाहागोनि गुवार बाहागोआ सा दुलुरखावाव दं।

**सों 2. हादरमायारि दावथ्रोदनाय बुंफुरलु बादियै बुहुमनि महरा गोदो
माबादिमोन?**

फिन : हादरमायारि गोसारनाय बुंफुरलु बादियै गुदियाव दिनैनिफ्राय
खमैबो 300 निजुट बोसोर सिगां बहुमनि हा बाहागोआ ज' जाना
दंमोन आरो बेनि सोरगिदिं दै बाहागोआ आवग्रिना दंमोन। बे
थासारियाव थानाय हा बाहागोखौ पेनजिया आरो पेनजियानि
सोरगिदिं बेंखननानै थानाय दै बाहागोखौ पान्थालासा
(PANTHALASSA) बुंनाय जायो। उनाव पेनजियानि गेजेरजों
सानजा-सोनाबथिं मोनसे गुसेब आरो गोलाव लैथो सोमजिदोंमोन।

बेखौ टेथिस लैथो बुंनाय जायो आरो बिनि साहाखौ लरेसिया आरो
खोला बाहागोखौ गन्दवानालेण्ड बुंनाय जायो। हादोरमा गोसारनाय
बुंफुरलु बादियै लरेसियाया गावस्रानानै सा आमेरिका, ग्रिनलेण्ड
आरो भारत लेडाइ हादोरमानि साहा थानाय इउरप आरो एसिया
हादोरमाया सोमजिदोंमोन। फारसेथिं गन्दवानलेण्ड गावस्रानानै
खोला आमेरिका, आफ्रिका, मादागास्कार, भारत, आरब ओनसोल,
मालयेसिया आरो दिपफोर, अष्ट्रेलिया, एन्टार्कटिका बायदि।

सों 3. लैथोमा थालानि हा महरा माबादि सुंद 'यै लिर।

फिन : लैथोमानि दै बिखडा स्लिम स्लिमब्लाबो बेनि थालो बाहागोनि
हा महरा समान नडा। हा मण्डलाव जेंरैबादि हाजो-हाला, जौयेन,
हायेन आरो दैब, थिग बेबादिनो लैथो लैथोमानि थालो बाहागोआ
अन्थाइ, हाग्रा-बंग्रा, हाफाव, दंग' हारां हाथां। हा मण्डल आरो दै
मण्डलनि फोनांजाब हांखोनिफ्राय लैथोमानि गोथौथिया गेजेरसिम

फारियै थौलाडो आरो बायदिसिना रोखोमनि महर मोननाय जायो।
सरासनस्रायै बोरिमानिफ्राय लैथो-लैथोमानि गेजेर बाहागोसिम
फारियै समान हा बाहागो, संख्खाय बाहागो, गोथौ। लैथो थाला,
लैथोआरि बाथि, लैथोआरि हाफाव आरो दिप आरो लैथोआरि दंग।

सों 4. लैथोमा आरो हादरमाफोरनि राननायनि सोमोन्दै लिर।

फिन : बहुमाव थानाय मोनफ्रोमबो लैथोमायानो मोनसेया गुबुन
मोनसेजों सरजाबना थानायनि थाखाय लैथोमाफोरनि थि सिमा
राननाया जाथावना नडा। थेवब्लाबो फरायसंनायनि खाबुनि थाखाय
जाब-जुबै लैथोमाफोरनि गोसारथिखौ थि खालामनाय जादों।
लैथोमाफोरनि मोनथायानो प्रसान्त लैथोमा, आटलान्टिक लैथोमा
आरो भारत लैथोमाया सा आरो खोला मोननैबो दुलुरखावावनो
गोसारना दं। खोला लैथोमाया खोला दुलुर-खावाव आरो सा लैथोमाया
सा दुलुरखावाव दं।

हादरमानि गेजेराव खोला आमेरिकानि गोबां बाहागो, आफ्रिकानि
खोला बाहागो, असेनिया आरो एन्टार्कटिकाखौ गारना गोबां
बाहागोआनो सा दुलुरखावाव दं। सा आमेरिका, इउरप आरो एसिया
हादोरमाया आबुडै सा दुलुरखावाव दं। सानजा सोनाबखौ लायोब्ला
सा आमेरिका आरो खोला आमेरिकाया सोनाब दुलुरखावाव दं।
हादरमाफोरनि गेजेराव हादर गेजेरारि सिमा थि खालामनाय दंब्लाबो
हादरमाफोरनि गेजेरनि सिमाया गुबैयै मिथिंगायारि थादेरसा
जेरै-दैमा-दैसा, लैथो-लैथोमा बायदिसिनाया थि खालामो।

बिदिन्थि महरै इउरप आरो आफ्रिका हादरमानि गेजेरनि सिमाया
भुमध्य लैथो आरो आफ्रिका हादरमानि गेजेरनि सिमाया ल 'हित
लैथोआ थि खालामदों। इउरप आरो एसिया हादरमानि गेजेर सिमाया

मिथिंगायारि महरै इउराल हाजोआथि खालमदों। सा आमेरिका आरो खोला आमेरिकानि गेजेर सिमाया पानामा दंग 'जों थि खालामदों।

सों 5. बहुमनि हा मण्डलनि सा बाहागोनि हा महरनि सोमोन्दै सुंद' यै लिर।

फिन : लैथो बिखंनि एसे गोजौवाव हाजों बुंफबना थानाय हा बिखंनि गुबुन मोनसे गुवार बाहागोखौ हामण्डल बुंनाय जायो। बहुमनि बे गुवार दै मण्डल आरो हामण्डल मोननैबो आलादायै जयै सिरि थायाखै। दै मण्डल आरो हामण्डल मोननै बाहागोआ मोनसेया गुबुन मोनसेजों बोखावनानै गेजेर गेजेर हाबखननानै दं। हा मण्डला दैजों सोरगिदिं सग्लोबना थानानै मोनब्रै गेदेर बाहागोआव गावसाना दं। हा मण्डलनि गिबि बाहागोआ एसिया, इउरप आरो आफ्रिका हादोरमाजों दाजानाय। नैथिया सा आमेरिका आरो खोला आमेरिका हादोरमाजों दाजानाय। थामथिया अष्ट्रेलिया आरो माखासे दिपफोरजों दाजानाय असेनिया आरो ब्रैथिया एन्टार्कटिका हादोरमाजों दाजानाय।

सों 6. एसिया हादरमानि मिथिंगायारि आखुथाइफोरखौ सुंद 'यै लिर।

फिन : एसिया हादरमाया गोजौ हाजो, जौयेन, दैमा, सेरफां, गाहाय हा, बोरिमायारि हायेन लैथोमायारि दिप, बालाहामा बायदिजों साग्लोबसारनाय। हादोरसालि गेजेर बाहागोआ हाजो आरो जौयेनजों बुंफबनाय। हादोरमानि सोनाब सिमायाव सा खोलायै थानाय इउराल हाजो-हाला, गेजेर बाहागोआव सानजा सोनाबै गोसारनाय बहुमनि जौसिन हिमालय हाजो, काराकरम हाजो, कुनलुन हाजो, आलटाइन हाजो, टियेनसान हाजो, आलटाइ हाजो, आरबालि हाजो बायदि दं। हिमालय हाजोआव बहुमनि जौसिन हाजो थिखिनि एभरेष्ट आरो काराकरम हाजोआव नैथि जौसिन हाजो थिखिनि गदउइन अष्टिना

एसिया हादरमायावनो दं। जौयेनफोरनि गेजेराव तिब्बत जौयेन, बुहुमनि जौसिन पामिर जौयेन, साइबेरियान जौयेन, दाक्षिनात्य जौयेन, आरब जौयेन, इरान जौयेन बायदिसिनाया गाहाय।

एसिया हादरमायाव गोबां दैमा दैसाफोर थानायखायनो बिफोरनि जोहै गोबां हासार गोनां हायेन आरो दिपफोर सोमजिदों। हादरमानि खोला गेजेर बाहागोआव-सिन्धु, गंगा, इयेनिसि, आमुर, हवांह, बुर्लुबुथुर, इराबती, मेकं बायदि दैमाफोर दं। हादरमायाव फिसा गेदेर गोबां लैथोफोर दं, बिफोरनि गेजेराव-बलखास, बैकाल, सम्बर, सिल्का, दाल बायदि। बेनि अनगायैबो गबि, थर आरो आरब बालाहामाया एसिया हादोरमावनो दं।

सों 7. जाहोन फोरमायना फिननाय लिर।

(क) बुहुमनि गासै सुबुं अनजिमानि 90. जौखोन्दोआनो सा दुलुरखावाव जमा जानानै दं मानो?

फिन : बुहुमनि हा बाहागोनि 67 जौखोन्दोसोआनो सा दुलुरखावाव दं। गासै गं 7 हादरमानि खोला आमेरिकानि गोबां बाहागो, आफ्रिकानि खोला बाहागो, असेनिया आरो एन्टार्कटिकाखौ गारना गोबां बाहागोआनो सा दुलुर खावाव दं। सा आमेरिका, इउरप आरो देरसिन, सुबुंअनजिमा बांसिन थानाय एसिया हादरमाया आबुडै सा दुलुरखावाव दं। फार्सेथिं हा बाहागोनि गुवार 67 जौखोन्दोआ सा दुलुरखावाव दं। बेनिखायनो बहुमनि गासै सुबुंअनजिमानि 90 जौखोन्दोसो सुबुडा सा दुलुरखावाव दं।

(ख) एसिया हादरमानि बारहावाया गोरोबलाया मानो?

फिन : एसिया हादरमाया गुबैयै सा दुलुरखावाव दं। बेयो साहार्थिं 78° सा अक्षफाननिफ्राय खोलाहा 1° सा अक्षफानसिम गोसारनाय गुवार गेदेर हादरमा। बेनि हा मिथिंगायाबो गुवार गेदेर जानायनि थाखाय गोबां रोखोमनि। बिखायनो आबहावायाबो थावनि लायै थावनि आलादा आलादा। हादोरमानि खोलाहानिफ्राय जों मोनलाडो फारियै-बिषुब ओनसोल, क्रान्तियारि, क्रान्तिसायारि आरो लेडाय हादरारि ओनसोल। बे हिसाबै हादरमानि खोला बाहागोआ गुदुं आरो अखा हाग्रा जायगा, बिदिनो फारियै दुडा-सुवा आरो गुसु आबहावा मोनदांगोन। बिखायनो एसिया हादरमानि बारहावाया गोरोबलाया।

(ग) एन्टार्कटिका हादोरमायाव सुबुडा गोजोरै थाया मानो?

फिन : गं 7 हादरमानि मादाव एन्टार्कटिका हादोरमायावल' सुबुडा साग्लोबनानै थानाय एन्टार्कटिकाखौ बोसोर नाडैनो बरफा खोबफबनानै लाखियो। बिखायनो बेवहाय बिफां-लाइफां, आबाद मावजाया, न'-बां लुनो नांगौ जिरादनि आंखाल, आदारनि जेंना, हान्था-मेला बायदिनि गोबां जेना। साननि बिदुडाबो इसेल' नांहोनायनि थाखाय जोबोर गुसु जानायखाय मानसिनि खांनाया गोब्राब। बिखायनो एन्टार्कटिका हादरमायाव सुबुडा गोजोरै थानो लायाखै।

सों 8. गाहायनि सोंलुफोरनि सुंद 'यै फिन हो।

(क) एसिया आरो इउरप हादरमानि गेजेराव थानाय मिथिंगायारि सिमाखौ माया सोरजियो?

फिन : मिथिंगायारियै इउराल हाजो आरो इउराल दैमाया इउरप हादरमाखौ एसिया हादोरमानिफ्राय आलादा खालामदों।

(ख) बहुमनि गोलावसिन हाजो लारिया बबे आरो बबेयाव दं?

फिन : बहुमनि गोलावसिन हाजो लारिया जाबाय एन्दिज हाजोमा।
बेयो खोला आमेरिका हादरमायाव दं।

(ग) हा-कालिखौ बिथा खालामनानै बहुमनि देरसिन आरो दुइसिन
हादोरमानि मुं लिर।

फिन : बहुमनि देरसिन हादरमाया एसिया आरो दुइसिन हादरमाया
असेनिया।

(घ) बहुमनि बबे हादरा बबे गनै हादरमासिम गोसारनाय?

फिन : रासिया हादर।

(ङ) हा-कालिखौ बिथा खालामनानै बहुमनि देरसिन आरो दुइसिन
हादोरनि मुं लिर।

फिन : बहुमनि देरसिन हादरा जादों रासिया आरो दुइसिन हादरा
जाबाय भेटिकन सिटी।

(च) सा आमेरिकानि गाहाइ हाजोलारिनि मुडा मा? बे हाजो लारिनि
गोलावा बेसे आरो बे हादरमानि बबे बाहागोआव दं?

फिन : सा-आमेरिका हादरमानि गाहाइ हाजोलारिया जाबाय र'कि
हाजोलारि।

(छ) बहुमनि देरसिन बालाहामाया बबे आरो बबेयाव दं?

फिन : बहुमनि देरसिन बालाहामाया साहारा आरो बियो आफ्रिका हादरमायाव दं।

(ज) एसिया हादरमानि गनैयै सा फारसे बोहैलांनाय आरो सानजा फारसे बोहैलांनाय दैमानि मुं लिर।

फिन : एसिया हादरमानि सा फारसे बोहैनाय गनै दैमाया जाबाय-अबि आरो येनेसि आरो सानजा फारसे बोहैनाया जाबाय-आमुर आरो हवांह।

(झ) अष्ट्रलियानि गंफायै गाहाइ हाजो, दैमा आरो बालाहामानि मुं लिर।

फिन : अष्ट्रलियानि गंसे हाजो-ग्रेट दिभाइदिं रेन्ज, गंसे दैमा-मुरे आरो गंसे बालाहामा-सिम्पसन ।

सों 9. सुंद 'यै लिर।

(क) पेन्जिया (ख) सा लैथोमा (ग) असेनिया हादरमा (घ) एसिया हादरमानि दैमा-दैसा (ङ) आफ्रिका हादरमानि बिलोमाफोर (च) इउरप हादरमानि दैमा-दैसा (छ) आपेलिसियाननि गोजौ हा ओनसोल (ज) खोला आमेरिका हादरमानि बिलोमाफोर।

फिन : **(क) पेन्जिया** : दिनैनिफ्राय खमैबो 300 निजुत बोसोर सिगां बहुमनि हा बाहागोआ ज' जानानै दंमोन आरो बेनि सोरगिदिं दै बाहागोआ आवग्रिना दंमोन। बहुमनि बे थासारियाव थानाय हा बाहागोखौ पेनजिया आरो पेनजियानि सोरगिदिं बेंखननानै थानाय दै बाहागोखौ पान्थाला बुंनाय जायो। गोबां बोसोर उनाव पेनजियानि सानजा-सोनाबथिं मोनसे गुसेब आरो गोलाव लैथो सोमजिदोंमोन।

बेखौ टेथिस लैथो बुंनाय जायो। टेथिस लैथोनि सोमजिनायानो पेनजियाखौ सा खोला मोननै बाहागोआव रानदोंमोन।

(ख) सा लैथोमा : 14 निजुत बर्ग कि.मि. हा कालिजों सा लैथोमाया बहुमनि फिसासिन लैथोमा। बेनि दाथाइया भारत लैथोमानि 5 बाहागोनि 1 बाहागो जागोन। सा लैथोमाया सा मेरुनि सोरगिदिं गोसारनायनि थाखाय महरा दुलुर। एसिया, इउरप आरो सा आमेरिका हादरमानि सा बाहागोआ सा लैथोमाखौ बेंखनना दं। बेनि थालानि गड़ गोथौथिया 3500 मिटारसो जागोन। मेरु ओनसोलाव थानायनि थाखाय बोसोरनि बांसिन समानो सा लैथोमाया रोजा बरफजों सोबना थायो।

(ग) असेनिया हादोरमा : असेनिया हादरमाया एसिया हादरमानि खोलाथिं आबुडै बहुमनि खोला दुलुरखावाव दं। बेनि साहाथिं 0° निरक्षिय हांखोनिफ्राय खोलाथिं 48° खोला अक्षफानसिम आरो सानजाहा 180° द्राघिमाफाननिफ्राय सोनाबथिं 113° सानजा द्राघिमाफानसिम गोसारनाय। हादरमानि गासै हा कालिया 8 निजुत बर्ग कि.मि.। अष्ट्रेलियाया हादरमानि देरसिन हादोर आरो बहुमनि 6 थि देरसिन हादर। हादरमानि साहाथिं जाभा, सुमात्रा, सेलेबिस दिप आरो प्रसान्त लैथोमा, खोलाथिं खोला लैथोमा, सानजाथिं प्रसान्त लैथोमा आरो सोनाबथिं भारत लैथोमा। अष्ट्रेलिया आरो निउजिलेण्डखौ लानानै असेनिया हादरमायाव गासै गं 14 हादर दं। 2014 मायथाइनि खारिथि बादिब्ला असेनिया हादरमानि गासै सुबुंअनजिमाया जाबाय 38 निजुतफ्राम।

(घ) एसिया हादोरमानि दैमा-दैसा : एसिया हादरमानि हाजो आरो जौयेना सोरजिनाय गोजौ हा ओनसोलनिफ्राय गोबां गेदेर दैमा सोमजिनानै सा, खोला आरो सानजाथिंजाय थानाय लैथो लैथोमासिम बोहैलांनानै माखासे हासारगोनां हायेन आरो बदीप सोमजिदों।

दैमाफोरनि गेजेराव हादरमानि खोला गेजेर बाहागोआव थानाय सिन्धु, गंगा आरो बुरलुंबुथुर, सा बाहागोआव थानाय इयेनिसि, अबि आरो लेना, सानजा बाहागोआव थानाय आमुर, हुवांह, इयांजेकियां आरो सिकियां। खोला आरो खोला-सानजायाव थानाय नर्मदा, ताप्ति, महानदी, गदावरि, कृष्णा, काबेरि, बराक, मेनाम, इराबति आरो मेकं।

(ङ) आफ्रिका हादोरमानि बिलोमाफोर : आफ्रिका हादरमाया गोबां दैमा, बिलोमाजों बुंफबनाय। बुहुमनि लावसिन नील दैमानि अनगायैबो गोबां दैमाफोर कंग, नाइजार, अरेन्ज, चल्टा, सेनेगाल, लुवांगुवा बायदि। बे दैमाफोरनि बोहैथि लामायाव गोबां रोखोमनि दैब', बिलोफोर सोमजिदों। हादरमानि बिलोफोरनि गेजेराव भिक्ट'रिया, एबार्ट, टांगानिका, साद, भल्टा, न्यासा, केबरा बास्सा, मालावि, टुरकाना, किभु, कस्सौ एबबे बायदिसिना।

(च) इउरप हादरमानि दैमा-दैसा : इउरप हादरमायाव गोबांद्राय नडाब्लाबो माखासे दैमा-दैसा आरो बिलोमाजों आबुं जानाय। दैमाफोरनि गेजेराव स्पेइननि एलब्रा', फ्रान्सनि र'न आरो सेइन, जार्मानिनि राइन आरो एलेब, पलेण्डनि अदार आरो भिष्टुला। अष्ट्रिया, हांगेरि आरो रमानियानि दानियुब, बेलारुस आरो इउक्रेइननि नियर, इटालिनि प', ग्रेट ब्रिट्रेइननि थेमस, रासियानि डन, भल्गा आरो इउराल बायदिसिनाया जर 'खायै मख 'जाथाव।

(छ) आपेलिसियाननि गोजौ हा ओनसोल : सा आमेरिका हादरमानि सानजा बाहागोआव साहाथिं निउफाउण्डलेण्ड निफ्राय खोलाथिं फ्ल'रिदा हालागै गोसारना हाजो हाला, गुसेब हायेन आरो बायफ्लेनाय जौयेनजों दाजानाय गोजौ गाहाय आपेलेसियान गोजौ हा दं। बे ओनसोलनि खोला बाहागोआव एलिघेनि आरो ब्लुरिज हाजो थाखो दं। आपेलेसियान गोजौ हानि सानजाहा आटलान्टिक लैथोमानि

बोरिमायारि बाहागोआव साहा नभास्कटियारनिफ्राय खोलाहा पानामासिम मोनसे गोसारदलानाय बोरिमायारि हायेन दें।

(ज) खोला आमेरिका हादरमानि बिलोमाफोर : खोला आमेरिका हादोरमायाव मुंख'जाथाव मोन 7 बिलोमाफोर दं। बेफोरनि मादाव टिटिकाका, माराकाइब', मेनेजुवेला, कारेरा फोरानो गुबै। हादोरमायाव गोबां दैमाफोर दं बेफोर दैमानिफ्राय गोबां गिदिर फिसा बिलो बिलोमायारि दं। मख 'जाथावदि बहुमनि जौसिन जायगायाव थानाय गिदिरसिन बिलो टिटिकाका बिलोमाया बे हादोरमायावनो दं। बिलोमानि जौथाइया लैथो बिखुंनिफ्राय 3811 मिटार आरो बिनि अरथाइया 8307 बर्ग कि.मिटार। बियो एन्दिस हाजोलारिनि सायाव बालिभिया आरो पेरुनि सिमायाव दं।

सों 10. फारागथिखौ लिर।

(क) समान हा बाहागो आरो संख्लाय हा बाहागो।

(ख) एभरेष्ट हाजो थिखिनि आरो गडउइन अष्टिन हाजो थिखिनि।

(ग) असेनिया हादरमा आरो एन्टार्कटिका हादोरमा।

(घ) गबि बालाहामा आरो आटाकामा बालाहामा।

फिन : (क) समान हा बाहागो आरो संख्लाय हा बाहागो : समान हा बाहागोआ बोरिमानिफ्राय लैथो-लैथोमानि गेजेर गोथौद्राय नडि 2000 मिटारफ्रामसिम समान हा बाहागो। फारसेथिं समान हा बाहागोनि उननि जोबोर गोथौ 200 मिटारफ्राम बाहागोखौ संख्लाय बाहागो बुंनाय जायो। बिनि उननिफ्राय गोथौ लैथो थाला मोनो।

(ख) एभरेष्ट हाजो थिखिनि आरो गडउइन अष्टिन हाजो थिखिनि
: एभरेष्ट हाजो थिखिनिया बहुमनि जौसिन थिखिनि। बियो एसिया हादरमानि सिङाव थानाय हिमालय हाजोमा लारियाव दं। एभरेष्ट थिखिनिनि जौथाइया लैथो बिखुंनिफ्राय 8848 मिटार। फार्सेथिं गडउइन अष्टिन हानो थिखिनिया काराकरम हाजोआव दं। बियो बहुमनि 2 थि जौसिन हाजो थिखिनि। बिनि जौथाया लैथो बिखुंनिफ्राय 8611 मिटार आरो बिखौ Mount K2 होननानैबो मिथियो। गडउइन अष्टिन हाजो थिखिनियाबो एसिया हादरमानि सिङावनो दं।

(ग) असेनिया हादरमा आरो एन्टार्कटिका हादरमा : असेनिया हादरमाया बहुमनि मादाव फिसासिन हादोरमा। बियो खोला सोनाब प्रसान्त लैथोमायाव। थानाय निउजिलेण्ड, टासमानिया निउगिनि बायदि गेदेर फिसा दिपफोरजों दाजानाय असेनिया हादोरमाया एसिया हादरमानि खोलाथं फुरायै खोला दुलुरखावाव दं। फारसेजों एन्टार्कटिका हादरमाया खोला मेरु साग्लोबनानै दाजानाय। बोसोर नाडै बरफ साग्लोबना थानायखायनो हादोरमायाव गोजोरै सुबुं थाग्रा गैया। बिखायनो एन्टार्कटिका हादरमाखौ सुबुं गैयि हा बाहागोल' बिखायनो एन्टार्कटिका हादोरमाखौ सुबुं गैयि हा बाहागोल' थानायखाय हादरमा हमनाय जायो। बियो हाकालि हिसाबै 5 थि देरसिन हादरमा।

सों 11. गेबें फिननायखौ सायख'ना दिहुन।

(क) बहुमनि नैथि देरसिन लैथोमाया बबे—

(a) प्रसान्त लैथोमा।

(b) भारत लैथोमा।

(e) आटलान्टिक लैथोमा।

(d) खोला लैथोमा।

फिन : (a) प्रसान्त लैथोमा।

(ख) बहुमनि दुइसिन हादरमाया बबे—

(a) सा आमेरिका हादोरमा।

(b) इउरप हादरमा।

(c) एन्टार्कटिका।

(d) असेनिया हादरमा।

फिन : (d) असेनिया हादरमा।

(ग) एकलेण्ड दीपा बबे हादरमायाव दं—

(a) आटलान्टिक लैथोमा।

(b) सा लैथोमा।

(c) प्रसान्त लैथोमा।

(d) भारत लैथोमा।

फिन : (a) आटलान्टिक लैथोमा।

(घ) एसिया आरो आफ्रिकाखौ बबे लैथोमा जुदा खालामदों—

(a) भुमध्य लैथो।

(b) ल'हित लैथो।

(c) कास्पियान लैथो।

(d) आरब लैथो।

फिन : (b) ल'हित लैथो।

(घ) एसिया आरो इउरपखौ मिथिंगायारियै माया जुदा खालामदों—

(a) इउराल हाजोलारि।

(b) ककेसास हाजो।

(c) कास्पियान लैथो।

(d) भल्गा, दैमा।

फिन : (a) इउराल हाजोलारि।

(च) इकुवेडरा बबे हादरमायाव दं—

(a) सा आमेरिका।

(b) खोला आमेरिका।

(c) आफ्रिका हादरमा।

(d) एसिया हादरमा।

फिन : (b) खोला आमेरिका।

(छ) ब्राजिलनि राजथावनिया मा–

(a) रिउ डि जेनेइर।

(b) साव-पावल।

(c) ब्रासिलिया।

(d) लिमा।

फिन : (c) ब्रासिलिया।

उफ्रा सोंनाय फिननाय

सुंद 'यै फिन हो:

सों 1. 2015 मायथाइनि खारिथि बादिब्ला बहुमनि गासै सुबुं
अनजिमाया बेसेबां?

फिन : 730 कौटि (7.3 महा निजुत)

सों 2. बहुमनि माबे हादरमायाव थाजोरै सुबुं गैया?

फिन : एन्टार्कटिका हादोरमायाव।

सों 3. लरेसिया गावस्रानानै मा जादोंमोन?

फिन : लरेसिया गावस्रानानै सा आमेरिका, ग्रिनलेण्ड आरो इउरप आरो एसिया हादरमाया सोमजिदोंमोन।

सों 4. 300 निजुट बोसोर आगोल बहुमनि हा बाहागोआ माबादिमोन?

फिन : 300 निजुट बोसोर आगोल बहुमनि हा बाहागोआ ज' जानानै दंमोन आरो बिनि सोरगिदिं दै बाहागोआ आवग्रिना दंमोन।

सों 5. दै मण्डलनि बेसेबां बाहागोआ खोला दुलुरखावाव दं?

फिन : 57 जौखोन्दो दैया खोला दुलुरखावाव दं।

सों 6. बहुमनि बेसेबां जौखोन्दो सुबुडा सा दुलुरखावाव थायो?

फिन : 90 जौखोन्दो सुबुडा सा दुलुरखावाव थायो।

सों 7. मा लैथो दंगवा गोथौसिन आरो मा लैथोमायाव दं।

फिन : प्रसान्त लैथोमायाव थानाय मेरियाना एबा सेलेन्जार लैथो दंग 'वा बहुमनि गोथौसिन दंग'।

सों 8. प्रसान्त लैथोमायाव बेसेबांसो दिप दं?

फिन : प्रसान्त लैथोमायाव खमैबो 20,000 सो लैथोआरि दिपफोर दं।

सों 9. माबे लैथोमानि दाथाइया इंराजी 'S' हांखो बादि?

फिन : आटलान्टिक लैथोमानि दाथाइया इंराजी 'S' हांखोनि महर बादि।

सों 10. एसिया हादरमायाव थानाय गंधाम बालाहामानि मुं लिर।

फिन : एसिया हादरमायाव थानाय गंधाम बालाहामाया जावाय- गबि, थर आरो आरब बालाहामा।

सों 11. आफ्रिका हादरमानि जौसिन हाजो थिखिनिया मा?

फिन : आफ्रिका हादरमानि जौसिन हाजो थिखिनिया जादों किलिमानजार।

सों 12. खोला आमेरिका हादरमानि देरसिन हादरनि मुं लिर।

फिन : खोला आमेरिका हादरमानि देरसिन हादरा ब्राजिल।

सों 13. खोला आमेरिका हादरमानि देरसिन दैमाया मा?

फिन : खोला आमेरिका हादरमानि देरसिन दैमाया आमाजान।

सों 14. असेनिया हादरमायाव गं बेसे हादर दं?

फिन : असेनिया हादरमायाव गं 14 हादर दं।

सों 15. बहुमाव गं बेसेबां हादर दं?

फिन : बहुमाव गं 198 हादरफोर दं।

सों 16. भुमध्य' लैथोआ मा लैथोमानि सिडाव दं?

फिन : भुमध्य लैथोआ आटलान्टिक लैथोमानि सिडाव थानाय मोनसे लैथो।

सों 17. भारत लैथोमानि गड़ गोथौथिया बेसेबां?

फिन : भारत लैथोमानि गड़ गोथौथिया 4000 मिटारफ्राम।

सों 18. सा आमेरिका हादरमानि हा मिथिंगायारिखौ बेसेबां बाहागोआव रानदों आरो मा मा?

फिन : सा आमेरिकानि हा मिथिंगाखौ मोनब्रै बाहागोआव रानदों। बेफोर जाबाय—

(1) र 'कि हाजोआरि ओनसोल।

(2) फैलाव हायेन ओनसोल।

(3) आपेलेसियान गोजौ हा ओनसोल आरो

(4) बोरिमायारि हायेन ओनसोल।

सों 19. बहुमनि फिसासिन आरो खमसिन सुबुं थानाय हादरा मा?

फिन : बहुमनि फिसासिन आरो खमसिन सुबुं थानाय हादरा भेटिकान सिटि।

सों 20. माबादि ओनसोला सरासनस्रायै जौगानाय?

फिन : जायफोर ओनसोल मोजां मिथिंगायारि आबहावाजों लोगोसे मिथिंगायारि सम्पदजों बुंफबनाय बे अनसोलफोरा सरासनस्रायै रांखान्थियारि बिथिङाव दावगानाय।

सों 21. मा मा लैथोमाया सा आरो खोला मोननैबो दुलुरखावाव गोसारना दं?

फिन : मोनबा लैथोमानि मोनथाम प्रसान्त लैथोमा, आटलान्टिक लैथोमा आरो भारत लैथोमाया सा आरो खोला मोननैबो दुलुरखावाव गोसारना दं।

सों 22. मा रोखोमनि ओनसोलफोराव सुबुं अनजिमाया रोजोब थायो?

फिन : मिथिंगायारियै मोजां, आबाद, उद्य 'ग, फालांगि, हान्था-मेला बिथिङाव, रांखान्थियारियै आवगायनाय ओनसोलफोराव सुबुं अनजिमाया रोजोबसिन थायो।

सों 23. बहुमनि लावसिन दैमाया मा आरो बियो मा हादोरमायाव दं?

फिन : बहुमनि लावसिन दैमाया नील बियो आफ्रिका हादरमायाव दं।

सों 24. एसिया हादरमानि सोरगिदिं सिमाखौ लिर।

फिन : एसिया हादरमानि साहा सा लैथोमा, खोलाहा भारत लैथोमा, सानजाहा बेरि आरो प्रसान्त लैथोमा आरो सोनाबथिं लहित लैथो, सुवेज दंग', भुमध्य लैथो, ककेसास हाजो, इउराल दैमा, इउराल हाजो, कास्पियान लैथो।

सों 25. एसिया हादरमायाव मा मा जौयेन दं लिर।

फिन : एसिया हादरमायाव माखासे जौयेनफोर दं। बेफोरनि गेजेराव तिब्बत जौयेन, पामिर जौयेन, साइबेरिया जौयेन, मंगलीया जौयेन, दाक्षिनात्य जौयेन, आरब जौयेन, इरान जौयेन।

सों 26. प्रशान्त लैथोमायाव थानाय गंधाम लैथोआरि दीपनि मुडा लिर।

फिन : प्रशान्त लैथोमायाव थानाय गंधाम लैथोआरि दीपनि मुडा जाबाय—

(i) जापान।

(ii) टाइवान।

(iii) फिलिपाइन।

सों 27. आफ्रिका हादरमानि सिडाव थानाय गंधाम हादरफोरनि मुजों लोगोसे राजथावनिखौ लिर।

फिन : आफ्रिका हादरमानि सिडाव थानाय गंथाम हादरफोरनि मुंजों
लोगोसे राजथावनिखौ गाहायाव होनाय जाबाय—

हादरनि मुं	राजथावनि
(i) इजिप्त।	काइर'
(ii) नाइजेरिया।	आबुजा
(iii) लिबिया	ट्रिप 'लि।